

四庫全書

集部

欽定四庫全書

御定全唐詩卷二十九

雜歌謠辭

聲比於琴瑟曰  
歌徒歌曰謠

漁父歌

張志和

西塞山邊

集作前

白鷺飛桃花流水鱖魚肥青箬笠綠蓑

衣春江

一作斜風

細雨不須歸

釣臺漁父褐為裘兩兩三三舴艋舟能縱棹慣乘流長  
江白浪不曾憂

雪溪灣裏釣魚翁  
舴艋為家西復東  
江上雪浦邊風笑  
著荷衣不歎窮

松江蟹舍主人歡  
菰飯莼羹亦共餐  
楓葉落荻花乾  
醉宿漁舟不覺寒

青草湖中月正圓  
巴陵漁父棹歌連  
釣車子掘頭船  
樂在風波不用仙

同前 和凝

白芷汀寒立鷺鷥  
蘋風輕翦浪花時  
煙幕幕日遲遲  
香

引芙蓉惹釣絲

同前 歐陽炯

風浩寒溪照膽明  
小君山上玉蟾生  
荷露墜翠煙輕  
撥刺遊魚幾處驚

同前 李珣

水接衡門十里餘  
信船歸去臥看書  
輕爵祿慕玄虛  
莫道漁人只為魚

避世垂綸不記年  
官高爭得似君閒  
傾白酒對青山  
笑

指柴門待月還

棹警鷗飛水濺袍影侵潭面柳垂條終日醉絕塵勞曾  
見錢塘八月濤

雞鳴曲 王建

雞初鳴明星照東屋雞再鳴紅霞生海腹百官待漏雙  
闕前聖人亦挂山龍服寶釵命婦燈下起環珮玲瓏曉  
光裏直內初燒玉案香司更尚滴銅壺水金吾衛裏直  
更一作郎郎妻到明不睡聽晨雞天頭日月相送迎夜棲旦

鳴人不迷

同前 李廓

星稀月沒上

集作入

五更膠膠角角雞初鳴征人牽馬出

門立辭妾欲向安西行再鳴引頸簷頭下月

集作樓

中角

聲催上馬纔分地色第三鳴旌旗

一作旆

紅塵已出城婦

人上城亂招手夫婿不聞遙哭聲長恨雞鳴別時苦不

遣雞栖近窗戶

吳楚歌

張籍 一曰  
燕美人歌

庭前春鳥啄林聲紅夾羅襦縫未成今朝社日停針線  
起向朱櫻樹下行

李夫人歌

李商隱

一帶不結心兩股方安髻慙愧白茅人月沒教星替  
剝結茱萸枝多擘秋蓮的獨自有波光綵囊盛不得

蠻絲繫條脫妍眼和香屑壽宮不惜鑄南人柔腸早被

秋波

集作  
眸

割清澄有餘幽素香鰥魚渴鳳凰真珠房不知

瘦骨類冰井更許夜簾通曉霜土花漠碧

集作  
漠

雲忙忙

黃河欲盡天蒼黃

集作蒼

同前

李賀

紫皇宮殿重重開  
夫人飛入瓊瑤臺  
綠香繡帳何時歇  
青雲無光宮水咽  
翩聯桂花墜秋月  
孤鸞驚啼商絲發  
紅壁集作壁闌珊懸佩璫  
歌臺小妓遙相望  
玉蟾滴水雞人唱  
露華蘭葉參差光

同前

鮑溶

璿閨羽帳華燭陳  
方士夜降夫人神  
歲華半露芙蓉色



窈窕將期環珮身麗如三五月可望難親近嘯黛含犀  
竟不言春思秋怨誰能問欲求巧笑如生時歌塵在空  
瑟銜絲神來未及夢相見帝比初亡心更悲愛之欲其  
生又死東流萬代無回水宮漏丁丁夜向晨煙銷霧歇  
愁方士

同前

張祐

延年不語望三星莫說夫人上涕零爭奈世間惆悵在  
甘泉宮夜看圖形

中山孺子妾歌

李白

中山孺子妾特以色見珍雖不如延年妹亦是當時絕  
世人桃李出深井花豔驚上春一貴復一賤關天豈由  
身芙蓉老秋霜團扇羞網塵戚姬髡翦集作髮入春市萬  
古共悲辛

臨江王節士歌

李白

洞庭白波木葉稀燕鴻始入吳雲飛吳雲寒燕鴻苦風  
號沙宿瀟湘浦節士感秋淚如雨白日當天心照之可

以事明主壯士憤雄風生安得倚天劍跨海斬長鯨

司馬將軍歌

李白代隴  
上健兒陳安

狂風吹古月竊弄章華臺北落明星動光彩南征猛將

如雲雷手中電曳

集作擊

倚天劍直斬長鯨海水開我見

樓船壯心目頗似龍驤下三蜀揚兵習戰張虎旗江中

白浪如銀屋身居玉帳臨河魁紫髯若戟冠崔嵬細柳

開營揖天子始知灞上為嬰孩羌笛橫吹阿鞞回向月

樓中吹落梅將軍自起舞長劍壯士呼聲動九垓功成

獻凱見明主丹青畫像麒麟臺

鄭櫻桃歌

李頎

石季龍僭天祿擅雄豪美人姓鄭名櫻桃櫻桃美顏香  
且澤娥娥侍寢專宮掖後庭卷衣三萬人翠眉清鏡不

得親官

集作  
宮

軍

一作  
庫

女騎一千匹繁花照耀漳河春織

成花映紅綸巾紅旗掣曳鹵簿新鳴輦走馬接飛鳥銅  
鈇琴瑟隨去塵鳳陽重門如意館百尺金梯倚銀漢自  
言富貴不可量女為公主男為王赤花雙簾珊瑚牀盤

龍斗帳琥珀光  
淫昏偽位神所惡  
滅石者陵終不誤  
鄴城蒼蒼白露微  
世事翻覆黃雲飛

襄陽歌

李白

落日欲沒峴山西  
倒著接羅花下迷  
襄陽小兒齊拍手  
攔街爭唱白銅鞮  
傍人借問笑何事  
笑殺山公醉似泥  
鸕鷀杓鸚鵡杯  
百年三萬六千日  
一日須傾三百杯  
遙看漢水鴨頭綠  
恰似蒲萄初醖醅  
此江若變作春酒  
壘麴便築糟丘臺  
千金駿馬換少

集作小

妾醉

集作笑

坐雕鞍

歌落梅車傍側挂一壺酒鳳笙龍管行相催咸陽市上

歎黃犬何如月下傾金壘君不見晉朝羊公一片石

一作

一片古碑材

龜龍

集作頭

剝落生莓苔淚亦不能為之隨心亦

不能為之哀誰能憂彼身後事金鳬銀鴨葬死灰

集無此二

句清風朗月不用一錢買玉山自倒非人推舒州杓力

士鐙李白與爾同死生襄王雲雨今安在江水東流援

夜聲

襄陽曲

李白

襄陽行樂處歌舞白銅鞮江城回渌水花月使人迷

山公醉酒時酩酊裏

集作高

陽下頭上白接羅倒著還騎

馬

峴山臨漢江水渌沙如雪

一作水色如霜雪

上有墮淚碑青苔

久磨滅

且醉習家池莫看墮淚碑山公欲上馬笑殺襄陽兒

蘇小小歌

李賀

幽蘭露如啼眼無物結同心煙花不堪翦草如茵松如

蓋風為裳水為佩  
油壁車久

集作夕

相待冷翠燭勞光彩

西陵下風吹雨

同前

溫庭筠

買蓮莫破券  
買酒莫解金  
酒裏春容抱  
離恨水中蓮  
子懷芳心  
吳公女兒腰  
似束家在錢  
塘小江曲一  
自檀郎  
遂便風門前  
春水年年綠

同前

張祜

車輪不可遮  
馬足不可絆  
長怨十字街  
使郎心四散



新人千里去故人千里來  
翦刀橫眼底方覺淚難裁  
登山不愁峻涉海不愁深  
中擘庭前棗教郎見赤心

挾瑟歌

陸龜蒙

挾瑟爲君撫君嫌聲太古  
寥寥倚浪絲嗒嗒沈湘語  
賴有秋風知清冷吹玉柱

勅勒歌

勅勒金隤

溫庭筠集作憤

壁陰山無歲華帳外風飄雪營前月

照沙羌兒吹玉管胡姬踏錦花  
却笑江南客梅落不歸

家

黃麋歌

唐書五行志曰如意初里中歌黃麋後契丹李盡忠孫萬榮叛陷營州則天令

總管曹仁師王孝傑等將兵百萬討之大敗於硤石黃麋谷而死朝廷嘉其忠為造此曲後亦為舞曲

黃麋黃麋草裏藏彎弓射爾傷

得休歌

天寶初韋堅為陝郡太守水陸轉運使於長安城東漉水傍穿廣運潭以通吳

會數十郡舟楫先是民間戲唱得休歌及新潭成陝縣尉崔成甫乃翻此調為得寶歌集兩縣官伎女子唱之

得休紇那也紇囊得休那潭裏船車鬧揚州銅器多三  
郎當殿坐聽唱得休歌

得寶歌

得寶弘農野弘農得寶那潭裏船車鬧揚州銅器多三  
郎當殿坐聽唱得寶歌

黃臺瓜辭

章懷太子 武后殺太子弘立雍王賢為太子賢日夜憂惕乃作此辭命

樂工歌之  
莫后感悟

種瓜黃臺下瓜熟子離離一摘使瓜好再摘令瓜稀三

摘尚

集作  
猶

自可摘絕抱蔓歸

古歌

沈佺期

落葉流風向玉臺夜寒秋思洞房開水精簾外金波下

雲母窗前銀漢迴玉階陰陰苔蘚色君王履綦難再得

璇閨窈窕秋夜長繡戶徘徊秋

集作  
明

月光燕姬綵帳芙

蓉色秦子

集作  
女

金爐蘭麝香北斗七星橫夜半清歌一

曲斷君腸

同前

薛維翰

美人怨何深，含情倚金閣。  
不嘯復不語，紅淚雙雙落。  
美人閉紅燭，獨坐裁新錦。  
頻放剪刀聲，夜寒知未寢。

黃曇子歌

溫庭筠

參差綠蒲短，搖盪雲一作

春

塘滿紅湫蕩，融融鶯翁鸛鵲。

暖萋芊小城

集作

路馬上修蛾，懶羅衫裏向風點粉金。

鸛卵

邯鄲郭公辭

溫庭筠

金笳悲故曲，玉座積深塵。  
言是邯鄲伎，不易鄴城人。  
青

苔竟埋骨紅粉自傷神惟有漳河柳還向舊營春

瑩篴謠

李白

攀天莫登龍走山莫騎虎貴賤結交心不移惟有嚴陵  
及光武周公稱大聖管蔡寧相容漢謠一斗粟不與淮  
南春兄弟尚路人吾心安所從它人方寸間山海幾千  
重輕言託朋友對面九疑峰多集作開花必早落桃李不  
如松管鮑死已久何人繼其蹤

鄴城童子謠

李賀

鄴城中暮塵起將黑丸斫文吏棘為鞭虎為馬團團走  
鄴城下切玉劍射日弓獻何人奉相公扶轂來關右兒  
香掃塗相公歸

大麥行

杜甫

大麥乾枯小麥黃婦人行泣夫走藏東至集壁西梁洋  
問誰腰鎌胡與羌豈無蜀兵三千人部領辛苦江山長  
安得如鳥有羽翅託身白雲還故鄉

白鵝鳴

張籍

天欲雨有東風南谿白黿鳴窟中六月人家井無水夜

聞白黿

集作黿聲

人盡起

步虛詞

陳羽

漢武清齋讀鼎書內官扶上畫雲車壇上月明宮殿閉  
仰看星斗禮空虛

同前

顧況

迥步遊三洞清心禮七真飛符超羽翼

集作焚

火醮星

辰殘藥露雞犬靈香出鳳麟壺中無窄處願得一容身



同前 劉禹錫

阿母種桃雲海際花落子成二

集成

千歲海風吹折最

繁枝跪捧瓊

集作金

盤獻天帝

華表千年鶴一

集作一鶴

歸凝丹為頂雪為衣星星仙語人

聽盡卻向五雲翻翅飛

同前

韋渠牟

玉簡真人降金書道籙通煙霞方蔽日雲雨已生風四

極威儀異三天使命同那將人世戀不去上清宮

羽駕正翩翩雲鴻最自然霞冠將月曉珠佩與星連鏤

玉留新訣雕金

集作龍

得舊編不知飛鳥學更有幾人仙

上帝求仙使真符取玉郎三才閒布象二景鬱生光騎  
吏排龍虎笙歌走鳳凰天高人不見暗入白雲鄉

鸞鶴共徘徊仙官使者催香花三洞啟風雨百神來鳳  
篆文初定龍泥印已開何須生羽翼始得上瑤臺

羽節忽排煙蘇君已得仙命風驅日月縮地走山川幾  
處留丹竈何時種玉田一朝騎白虎直上紫微天

靜發降靈香思神意智長虎存時促步龍想更成章扣  
齒風雷響挑燈日月光仙雲在何處髣髴滿空堂

幾度遊三洞何方召百神風雲皆守一龍虎亦全真執  
節仙童小燒香玉女春應須絕巖內委曲問皇人

上法杳無營玄修似有情道宮瓊作想真帝玉為名召  
岳驅旌節馳雷發吏兵雲車降何處齋室有仙卿

羽衛一何鮮香雲起莫煙方朝太素帝更向玉清天鳳  
曲疑猶吹龍驂儼欲前真文幾時降知在永和年

大道何年學真符此日催還持金作印未要玉為臺羽  
節分明授霞衣整頓裁應緣五雲使教上列仙來

獨自授金書蕭條詠紫虛龍行還當馬雲起自成車九  
轉風煙合千年并竈餘參差從太一壽等混元初

道學已通神香花會女真霞牀珠斗帳金薦玉輿輪一  
室心偏靜三天夜正春靈官竟誰降仙相有夫人

上界有黃房仙家道路長神來知位次樂變協宮商競  
把瑠璃椀誰傾白玉漿霞衣最芬馥蘇合是靈香

珠珮紫霞英夫人會八靈太霄猶有觀絕宅豈無形暮  
雨徘徊降仙歌宛轉聽誰逢玉妃輦應檢九真經

西海辭金母東方拜木公雲行疑帶雨星步欲凌風羽  
袖揮丹鳳霞巾曳彩虹飄飄九霄外下視望仙宮

玉樹雜金花天河織女家月邀丹鳳鳥風送紫鸞車霧  
縠籠綃帶雲屏列錦霞瑤臺千萬里不覺往來賒

舞鳳凌天出歌麟入夜聽雲容衣眇眇風韻曲泠泠扣  
齒端金簡焚香檢玉經仙宮知不遠只近太微星

紫府與玄洲誰來物外遊無煩騎白鹿不用駕青牛金  
化顏應駐雲飛鬢不秋仍聞碧海上更用玉為樓

鸞鶴復駢鸞全家去不難雞聲隨羽化犬影入雲看釀  
玉當成酒燒金且轉丹何妨五色綬次第給仙官

同前 僧皎然

予因覽真訣遂感西域集作城君玉笙下青冥人間未曾

聞日華鍊魂魄皎皎無垢氛謂我有仙骨且令餌氤氲  
俯仰媿靈顏願隨鸞鶴羣俄然動風馭縹眇歸青雲

同前 高駢

青溪道士人不識，上天下天鶴一隻。  
洞門深鎖碧窗寒。

滴露研朱寫周易。

步虛引 陳陶

小隱山人十洲客，莓苔為衣雙耳白。  
青編為我忽降書，暮雨虹蜺一千尺。  
赤城門閉六丁直，曉日已燒東海色。  
朝天半夜聞玉雞，星斗離離礙龍翼。

御定全唐詩卷二十九

欽定四庫全書

集部

御定全唐詩卷  
三十三

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官中書臣高 中

謄錄監生臣徐鳳翔



欽定四庫全書

御定全唐詩卷三十

王珪

王珪字叔玠太原祁人初為太子舍人太宗知其才召拜諫議大夫推誠納忠多所獻替遷黃門侍郎進侍中與房玄齡李靖溫彥博戴胄魏徵同知國政嘗於上前品藻諸子多所遜謝至激濁揚清嫉惡好善自謂於數子有一日之長帝深然之時人亦服其確論卒贈吏部

尚書詩二首

詠漢高祖

漢祖起豐沛乘運以躍鱗手奮三尺劍西滅無道秦十  
月五星聚七年四海賓高抗威宇宙貴有天下人憶昔  
與項王契濶時未伸鴻門既薄蝕滎陽亦蒙塵蟻風生  
介冑將卒多苦辛爪牙驅信越腹心謀張陳赫赫西楚  
國化為丘與榛

詠淮陰侯

秦王日凶慝豪傑爭共亡信亦胡為者劍歌從項梁項  
羽不能用脫身歸漢王道契君臣合時來名位彰北討  
燕承命東驅楚絕糧斬龍堰淮水擒豹燭夏陽功成享  
天祿建旗還南昌千金一作金千答漂母百錢一作錢百酬下鄉  
吉凶成糾纏倚伏難預詳弓藏狡兔盡慷慨念心傷

陳叔達

陳叔達字子聰陳宣帝第十六子也善容止有才學在  
陳封義陽王十餘歲侍宴賦詩十韻援筆便就僕射徐

陵甚奇之入隋為絳郡通守歸歟於唐授丞相府主簿  
與記室溫大雅同掌機密軍書敕令及禪代文誥多叔  
達所為進黃門侍郎兼納言侍中封江國公貞觀中拜  
禮部尚書集十五卷今存詩九首

早春桂林殿應詔

金鋪照春色玉律動年華  
朱樓雲似蓋丹桂雪如花  
水

岸衡階轉風條出柳斜  
輕輿臨太液湛

一作仙

露酌流霞

後渚置酒

大渚初驚夜中流沸鼓聲寒沙滿曲浦夕霧上邪谿岸  
廣鳬飛急雲深鴈度低嚴關猶未遂一作達此夕待晨雞

聽鄰人琵琶

本是龍門桐因妍入漢宮香緣羅袖裏聲逐朱弦中雖  
有相思韻翻將入塞同關山臨却月花蘂散迴風為將  
金谷引添令曲未終

州城西園入齋祠社

升壇預潔祀詰早肅分司達氣風霜積登光日色遲農

教先八政陽和秩四時祈年服垂冕告幣動褰帷瘞地  
尊餘奠人天庶有資椒蘭卒清酌簋簋徹香萁折俎分  
歸昨充庭降受釐方憑知禮節况奉化雍熙

春首

雪花聯玉樹冰彩散瑤池翔禽遙出没積翠遠參差

初年

和風起天路

一作表  
一作霧

嚴氣消冰井索索枝未柔厭厭漏

猶永

詠菊

霜間開紫蒂露下發金英但令逢採摘寧辭獨晚榮

自君之出矣

一作賈  
馮吉詩

自君之出矣紅顏轉憔悴思君如明燭煎心且銜淚  
自君之出矣明鏡罷紅妝思君如夜燭煎淚幾千行

袁朗

袁朗雍州長安人勤學好屬文在陳釋褐祕書郎甚為  
江總所重嘗製千字詩當時以為盛作後主召入禁中

使為月賦染翰立成遷太子洗馬仕隋為儀曹郎入唐授齊王文學轉給事中貞觀初卒太宗稱其謹厚悼惜之集十四卷今存詩四首

賦飲馬長城窟

朔風動秋草清蹕長安道長城連

一作道

不窮所以隔華

戎規模惟聖作負荷曉成功烏庭已向內龍荒更鑿空

玉關塵卷靜金微

一作微

路已通湯征隨北怨舜詠起南

風畫地功初立綏邊事云集朝服踐狼居凱歌旋馬邑



山響傳鳳吹霜華藻瓊釵屬國擁節歸單于款關入日

落寒風起驚蓬

一作沙

被原隰零落葉已寒河流清且急

四時徭役盡

一作靜

千載干戈戢太平今若斯汗馬竟無

施唯當事筆硯歸去草封禪

### 和洗掾登城南坂望京邑

二華連陌塞九隴統金方奧區稱富貴重險擅雄強龍  
飛灞水上鳳集岐山陽神臯多瑞蹟列代有興王我后  
膺靈命爰求宅茲土宸居法太微建國資天府玄風叶

融一作

黎庶德澤浸區宇醒醉各相扶謳歌從聖主南登

少陵岸還望帝城中帝城何鬱鬱佳氣乃蔥蔥金鳳凌  
綺觀璇題敞蘭宮複道東西合交衢南北通萬國朝前  
殿羣公議宣室鳴珮含早風華蟬曜朝日栢梁宴初罷  
千鍾歡未畢端拱肅巖廊思賢聽琴瑟逶迤萬雉列隱  
軫千閭布飛甍夾御溝曲臺臨上路處處歌鐘鳴喧闐  
車馬度日落長楸間含情兩相顧是月冬之季陰寒晝  
不開驚風四面集飛雪千里迴狐白登廊廟牛衣出

一作

草萊詎知韓長孺無復重然灰

秋日應詔

玉樹涼風舉金塘細草萎葉落商飈觀鴻歸明月池迎  
寒桂酒熟含露一作霧菊花垂一奉章臺宴千秋長願斯

秋夜獨坐

一作邢  
邵詩

危弦斷客心虛彈落驚禽新秋百慮淨一作盡獨夜九愁

深枯蓬唯逐吹墜葉不歸林如何悲此曲坐作白頭吟

竇威

竇威字文蔚扶風平陵人太穆皇后從父兄也初為高祖丞相府司錄參軍博物多識朝章國典皆其所定終內史令集十卷今存詩一首

出塞曲

匈奴屢不平漢將欲縱橫看雲方結陣却月始連營潛軍度馬邑揚旆掩龍城會勒燕然石方傳車騎名

長孫無忌

長孫無忌字機輔河南洛陽人文德皇后之兄好學有

籌略佐太宗定天下以功第一封齊國公歷尚書僕射  
司空誠懼盈滿固辭不許復拜司徒貞觀十七年圖功  
臣二十四人於凌煙閣無忌為之冠高宗即位進冊太  
尉知門下省後為許敬宗誣搆貶死黔州詩三首

新曲二首

阿儂

一本無此二字

家住朝歌下早傳名結伴來游淇水上舊

長情玉珮金鈿隨步遠

一作動

雲羅霧縠逐風輕轉目機

心懸自許何須更待聽琴聲

迴雪凌波游洛浦遇陳王婉約娉婷工語笑侍蘭房芙蓉綺帳還開揜翡翠珠被爛齊光長願今宵奉顏色不

愛吹一作聞簫逐鳳皇

灞橋待李將軍

颯颯風葉下遙遙煙景曛霸陵無醉尉誰滯李將軍

顏師古

顏師古字籀

舊唐書云顏籀字師古

雍州萬年人齊黃門侍郎之

推之孫博覽羣書尤精訓詁隋末為安養尉高祖入關

謁見長春宮授朝散大夫累遷中書舍人專掌機密太宗初擢中書侍郎考定五經多所釐正頒其書令天下學習所注班固漢書急就章大行於世終祕書監弘文館學士集六十卷今存詩一首

奉和正日臨朝

七政璿衡始三元寶歷新負宸延百辟垂旒御九賓肅肅皆鵷鷺濟濟盛簪纓一作紳天涯致重譯日域獻奇珍

杜淹

杜淹字執禮隋時隱太山文帝惡之謫戍江表秦王引  
為天策府曹參軍文學館學士侍宴賦詩尤工賜金鍾  
坐事流舊州太宗召拜御史大夫檢校吏部尚書參預  
朝政詩三首

召拜御史大夫贈袁天綱

紀事云淹始見袁天綱於洛天綱謂曰蘭

臺成就學堂寬廣又語曰二十年外終恐責黜  
暫去即還武德六年以善隱太子配流舊州至  
九年六月召入天綱曰公至京即得  
三品要職果拜御史大夫乃贈詩云

伊呂深可慕松喬定是虛繫風終不得脫屣欲安如且



珍紉素美當與薜蘿踈既逢楊得意非復久間居

詠寒食鬪雞應秦王教

唐新語云太宗戲內難  
以淹為御史大夫因詠

雞以致  
意焉

寒食東郊道

一作上

揚鞬競出籠花冠初

一作偏

照日芥羽

正生風顧敵知心勇先鳴覺氣雄長翹頻掃陣利爪

一作

距屢通中飛毛遍綠野灑血漬芳藂雖然

一作言

百戰

一作

鬪勝會自不論功

寄贈齊公

冠蓋游梁日詩書問志年  
佩蘭長坂上攀桂小山前  
結交澹若水履道直如弦  
此歡終未極于茲獨播遷  
赭衣登蜀道白首別秦川  
淚隨溝水逝心逐曉旌懸  
去去逾千里悠悠隔九天  
郊野間長薄城闕隱凝煙  
關門共月對山路與雲連  
此時寸心裏難用尺書傳

御定全唐詩卷三十

欽定四庫全書

御定全唐詩卷三十一

魏徵

魏徵字玄成魏州曲城人少孤落魄有大志初為太子洗馬太宗即位拜諫議大夫秘書監尋晉檢校侍中封鄭國公以疾辭職拜特進仍知門下省事徵性諒直知無不言太宗或引至卧內訪天下事嘗以古名臣稱之校輯秘書羣書及撰齊梁陳周隋諸史序論多出其手

卒謚文貞集二十卷今編詩一卷

五郊樂章

唐書樂志曰祀五方上帝五郊樂祀黃帝降神奏宮音皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其太和壽和凱安豫和四章辭同圜丘祀青帝降神奏角音祀赤帝降神奏徵音祀白帝降神奏商音祀黑帝降神奏羽音餘同黃帝

黃帝宮音

黃中正位含章居貞既長六律無和五聲畢陳萬舞乃薦斯牲神其下降永祚休平

肅和

眇眇方輿蒼蒼圜蓋至哉樞紐宅中圖大氣調四序風  
和萬籟祚我明德時雍道泰

雍和

金懸夕肆玉俎朝陳饗薦黃道芬流紫宸迺誠迺敬載  
享載禋崇薦斯在惟皇是賓

舒和

御徵乘宮出郊甸安歌率舞遞將迎自有雲門符帝賞

猶持雷鼓答天成

青帝角音

鶴雲旦起鳥星昏集律候新風陽開初蟄至德可饗行  
潦斯挹錫以無疆烝人乃粒

肅和

玄鳥司春蒼龍登歲節物變柳光風轉蕙瑤席降神朱  
弦饗帝誠備祝嘏禮殫珪幣

雍和

大樂稀音至誠簡禮文物棣棣聲名濟濟六變有成三  
登無體迺眷豐絜恩覃愷悌

舒和

笙歌籥舞屬年韶鷺鼓鳧鐘展時豫調露初迎綺春節  
承雲遽踐蒼霄馭

赤帝徵音

青陽告謝朱明戒序成長是祈敬陳椒醕博碩斯薦笙  
鏞備舉庶盡肅恭非馨稷黍

肅和

離位克明火中宵見峯雲暮起景風晨扇木槿初榮含  
桃可薦芬馥百品鏗鏘三變

雍和

昭昭丹陸帝帝炎方禮陳牲幣樂備箎簧瓊羞溢俎玉  
醑浮觴恭惟正直歆此馨香

舒和

千里溫風飄絳羽十枝炎景騰朱干陳觴薦俎歌三獻



拊石擬金會七盤

白帝商音

白藏應節天高氣清歲功既阜庶類收成萬方靜謐九  
土和平馨香是薦受祚聰明

肅和

金行在節素靈居正氣肅霜嚴林凋草勁豺祭隼擊潦  
收川鏡九穀已登萬箱流詠

雍和

律應西成氣躔南呂珪幣咸列笙竽備舉必必蘭羞芬  
芬桂醕式資宴貺用調霜序

舒和

璿儀氣爽驚緹籥玉呂灰飛含素商鳴鞀奏管芳羞薦  
會舞安歌葆眊揚

黑帝羽音

嚴冬季月星迴風厲享祀報功方祚來歲

肅和

律周

一作回

玉琯星回

一作周

金度次極陽烏紀窮陰兔火

林霰雪陽泉凝沍八蜡已登三農息務

雍和

陽月斯紀應鍾在條載絜牲膾爰登俎豆既高既遠無  
聲無臭靜言格思惟神保佑

舒和

執籥持羽初終曲朱干玉鉞始分行七德九功咸已暢  
明靈降福具穰穰

享太廟樂章

唐書樂志曰貞觀中享太廟樂迎神用永和九變辭同皇帝行用太

和登歌酌鬯用肅和迎祖用雍和獻皇祖宣簡公皇祖懿王同用長發之舞景皇帝用大基之舞元皇帝用大成之舞高祖用大明之舞皇帝飲福用壽和送文舞出迎武舞入用舒和武舞用凱安徹祖用雍和送神用永和其太和凱安辭同冬至圜丘

永和

於穆烈祖弘此丕基永言配命子孫保之百神既洽萬國在茲是用孝享神其格思

肅和

大哉至德允茲明聖格于上下聿遵誠敬嘉樂斯登鳴  
球以詠神其降止式隆景命

雍和

崇茲享祀誠敬無至樂以感靈禮以昭事絜盛咸絜牲  
牲孔備永言孝思庶幾不匱

長發舞

唐會要曰貞觀十四年詔用顏師古  
許敬宗議皇祖宣簡公懿王廟並奏

長發之舞取詩云濬  
哲惟商長發其祥也

濬哲惟唐長發其祥帝命斯祐王業克昌配天載德就

日重光本枝百代申錫無疆

大基舞

猗與祖業皇矣帝先剪商德厚封唐慶延在姬猶稷方

晉踰宣基我鼎運于斯萬年

大成舞

周穆王季晉美帝文明明盛德穆穆齊芬藏用四履屈  
道參分鏗鏘鐘石載紀鴻敷

大明舞

唐會要曰貞觀十四年詔用顏師古等議高祖廟奏大明之舞取易曰大

明終始六位時成詩有大  
明之篇稱文王有明德也

五紀更運三正遞升勛華既沒禹湯勃興神武命代靈  
睠是膺望雲彰德察緯告徵上紐天維下安地軸徵師  
涿野萬國咸服偃伯靈臺九官允穆殊域委賁懷生介  
福大禮既飾大樂已和黑章擾圉赤字浮河功宣載籍  
德被詠歌克昌厥後百祿是荷

壽和

八音斯奏三獻畢陳寶祚惟永暉光日新

舒和

聖敬通神光七廟靈心薦祚和萬方嚴禋克配鴻基遠  
明德惟馨鳳歷昌

雍和

於穆清廟聿修嚴祀四縣載陳三獻斯止籩豆撤薦人  
祇介祉神惟格思錫祚不已

永和

肅肅清祀烝烝孝思薦享昭備虔恭在茲雍歌徹俎祝



嘏陳辭用光武志永固鴻基

賦西漢

本傳云太宗幸洛陽燕羣臣積翠池酒酣命各賦一事徵賦西漢卒云終藉叔

孫禮方知皇帝尊帝曰徵言未嘗不約我以禮

受降臨軹道爭長趣鴻門驅傳渭橋上觀兵細柳屯夜  
宴經柏谷朝遊出杜原終藉叔孫禮方知皇帝尊

暮秋言懷

首夏別京輔杪秋滯三河沈沈蓬萊閣日夕鄉思多霜  
剪涼堦蕙風捎幽渚荷歲芳坐淪歇感此式微歌

述懷

一作出關

中原初

一作還

逐鹿投筆事戎軒縱橫計不就慷慨志猶

存杖策謁天子驅馬出關門請纓繫南粵憑軾下東藩

鬱紆陟高岫出沒望平原古木鳴寒鳥

一作雁

空山啼夜

猿既傷千里目還驚九折

一作逝

魂豈不憚艱險深懷國

士恩季布無二諾侯嬴重一言人生感意氣功名誰復

論

奉和正日臨朝應詔

百靈侍軒后萬國會塗山豈如今睿哲邁古獨光前聲  
教溢四海朝宗引百川鏘洋鳴玉珮灼爍耀金蟬淑景  
輝雕輦高旌揚翠烟庭實超王會廣樂盛鈞天既欣東  
日戶

一作既傾  
東戶曰

復詠南風篇願奉光華慶從斯億萬年

御定全唐詩卷三十一

欽定四庫全書

御定全唐詩卷三十二

褚亮

褚亮字希明杭州錢塘人博覽工屬文太宗為秦王時以亮為王府文學每從征伐嘗預祕謀貞觀中累遷散騎常侍封陽翟縣侯卒謚曰康詩一卷

祈穀樂章

唐書樂志曰貞觀中正月上辛祈穀於南郊降神用豫和皇帝行用太和

登歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安

送神用豫和其豫和太和壽  
和凱安四章詞同冬至園丘

肅和

履艮斯繩居中體正龍運垂祉昭符啟聖式事嚴禋聿  
懷嘉慶惟帝永錫時皇休命

雍和

殷薦乘春太壇臨曙八簋盈和六瑚登御嘉稷匪歆德  
馨斯飫祝嘏無易靈心有豫

舒和

玉帛犧牲申敬享金絲鍼羽盛音容庶俾億齡提景福  
長欣萬宇洽時邕

明堂樂章

唐書樂志曰季秋享上帝于明堂降神用豫和皇帝行用太和登歌奠玉

帛用肅和迎祖用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安四章詞同冬至圜丘

肅和

象天御宇乘時布政嚴配申虔宗禋展敬罇罍盈列樹  
羽交暎玉幣通誠祚隆皇聖

雍和

八牖晨披五精朝奠霧凝璇籩風清金縣神滌備全明  
染豐衍載結彞俎陳誠以薦

舒和

御宸合宮承寶歷席圖重館奉明靈偃武修文九圍泰  
沈烽靜柝八荒寧

雩祀樂章

唐書樂志曰孟夏雩祀上帝于南郊降神用豫和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用



豫和其豫和太和壽和凱  
安四章詞同冬至團丘

肅和

朱鳥開辰蒼龍啟暎大帝昭饗羣生展敬禮備懷柔功  
宣舞詠旬液應序年祥叶慶

雍和

紺筵分彩瑤圖吐絢鳳一作風管晨凝雲歌曉嘽肅事蘋

藻一作蘭蓋虔申桂奠百穀斯登萬箱攸薦

舒和

鳳曲登歌調令序龍雩集舞泛祥風綵旒雲迴昭睿德  
朱干電發表神功

享先農樂章

唐書樂志曰貞觀中享先農樂迎神用誠和皇帝行用太和登歌奠

玉帛用肅和迎祖用雍和酌獻飲福用壽和送文舞出迎武舞入用舒和武舞用凱安送神用誠和其太和壽和凱安詞同冬至園丘

誠和

粒食伊始農之所先古今攸賴是曰人天耕斯帝藉播厥公田式崇明祀神其福焉

肅和

樽彝既列瑚簋方薦歌工載登幣禮斯奠肅肅享祀顒  
顒纓弁神之聽之福流寰縣

雍和

前夕視牲質明奉俎沐芳整弁其儀式序盛禮畢陳嘉  
樂備舉歆我懿德非馨稷黍

舒和

羽籥低昂文綴已千戚蹈厲武行初望歲祈農神所聽

延祥介福豈云虛

祭神州樂章

唐書樂志曰貞觀中祭神州于北郊迎神用順和皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送

神用順和順和詞同夏至方丘太和壽和凱安詞同冬至圜丘並亮等作

肅和

大矣坤儀至哉神縣包含日域牢籠月窟  
露絜三清風調六變皇祇屆止式歌恭薦

雍和

泰折嚴享陰郊展敬禮以導神樂以和性黜牲在列黃

琮俯映九土既平萬邦

一作拜

貽慶

舒和

坤道降祥和庶品靈心載德厚羣生水土既調三極泰

文武畢備九區平

祭方丘樂章

唐書樂志曰貞觀中夏至祭皇地祇於方丘迎神用順和皇帝行用

太和登歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安其太和壽和凱安

三章詞同冬至國丘

順和

萬物資以化交泰屬昇平易從業惟簡得一道斯寧具  
儀光玉帛送舞變咸英黍稷良非貴明德信惟馨

肅和

至矣坤德皇哉地祇開元統紐合大承規九宮肅列六  
典相儀永言配命長保無虧

雍和

柔而能方直而能敬厚載以德大亨以正有滌斯牲一作

牲  
有馨斯盛介茲景福祚我休慶

舒和

玉幣牲粢分薦享羽旄千鉞遶成容一德惟寧兩儀泰  
三才保合四時邕

順和

陰祗協贊厚載方貞牲幣具舉簫管備成其禮惟肅其  
德惟明神之聽矣式鑒虔誠

臨高

江一作臺

高臺暫俯臨飛翼聳輕音浮光隨日度漾影逐波深迴  
瞰周平野開懷暢遠襟獨此三休上還傷千歲

一作心

賦得蜀都

列宿光參

一作興

井分芒

一作土

跨梁岷沈屏對江浦駟馬

入城闥英圖多霸跡歷選有名臣連騎簪纓滿含章詞  
賦新得上仙槎路無待訪嚴遵

奉和詠日午

曦車日亭午浮箭未移暉日光無落照樹影正中園草



萎看稍靡葉燥望疑稀晝寢慙經笥暫解入朝衣

奉和望月應魏王教

層軒登皎月流照滿中天色共梁珠遠光隨趙璧圓落影臨秋扇虛輪入夜弦所欣東館裏預奉西園篇

詠花燭

一作  
燭花

蘭徑香風滿梅梁暖日斜言是東方騎來尋南陌車歷星臨夜燭眉月隱輕紗莫言春稍晚自有鎮開花

在隴頭哭潘學

一作  
士

隴底嗟長別流襟一慟君何言幽咽所更作死生分轉蓬飛不息悲松斷更聞誰能駐征馬回首望孤墳

奉和禁苑餞別應令

大藩初錫瑞出牧邇皇京暫以綠車重言承朱傳

一作邨

榮舒桃臨遠騎垂柳映京營惠化宣千里威風動百城

禁籞芳嘉

一作春

節神襟餞送情金笳催別景玉琯

一作管

切離聲野花開更

一作且

落山鳥哢還驚微臣夙多幸薄

宦奉諸明釣臺慙作賦伊水濫聞笙懷德良知久酬恩

識命輕

和御史韋大夫喜霽之作

晴天度旅雁斜影照殘虹野淨餘煙盡山明

一作開

遠色

同沙平寒水落葉晚枝空白簡光朝幃彤駟出禁中  
息駕遊蘭版雕文折桂叢無因輕羽扇徒自仰仁風

晚別樂記室彥

窮途屬歲晚臨水忽分悲抱影同為客傷情共

一作去

此

時霧色侵虛牖霜氛冷薄帷舉袂慘將別停杯悵不怡

風嚴征雁遠雪暗去蓬遲他鄉有岐路遊子欲何之

傷始平李少府正已

勞息本相循悲歡理自均誰能免玄夜惜爾正青春邁  
德惟家寶生才諒國珍高文綴翡翠茂學掩麒麟述作  
紛無已言談妙入神斷腸雖累月分手未盈旬輔嗣俄  
長往顏生即短辰聲華滿昭代形影委窮塵禪草迴中  
使生芻引弔賓同遊祕府日方駕直城闥並拜黃圖右  
分曹清渭濱風期嵇呂好存歿范張親虛座憐一作懷王

述遺篇慟景純精靈與毫翰千祀壽何人

秋雁

一作虞  
世南詩

日暮霜風急羽翮轉難任為有傳書意翩翩入上林

句

神羊既不觸夕鳥欲依人

贈杜侍御  
見詩式

御定全唐詩卷三十二

欽定四庫全書

御定全唐詩卷三十三

于志寧

于志寧字仲謚高陵人隋末有名高祖入關禮遇之為  
太宗天策府從事中郎侍從征伐兼文學館學士太宗  
宴貴臣內殿志寧以非三品不至上怪之特令預宴即  
加散騎常侍為太子詹事數有規諫高宗朝拜尚書左  
僕射無太子少師集四十卷今存詩一首

冬日宴羣公於宅各賦一字得杯

陋巷朱軒擁衡門緹騎來俱裁七步詠同傾三雅杯色  
動迎春柳花發犯寒梅賓筵未半一作半未醉驪歌不用催

令狐德棻

令狐德棻宜州華原人博涉文史早知名高祖入關引  
直記室轉起居舍人遷祕書丞與侍中陳叔達等奉詔  
撰藝文類聚奏請修歷代史書德棻修周史仍總知類  
會梁陳齊隋諸史貞觀中累官禮部侍郎國子祭酒兼



崇賢館學士國家凡有修撰無不參預集三十卷今存  
詩一首

冬日宴于庶子宅各賦一字得趣

高門聊命賞羣英於此遇放曠山水情留連文酒趣夕  
烟起林蘭霜枝殞庭樹落景雖已傾歸軒幸能駐

封行高

封行高觀州舊人倫之兄子以文學知名貞觀中官至  
禮部郎中詩一首

冬日宴于庶子宅各賦一字得色

夫君敬愛重歡言情不極雅引發清音麗藻窮雕飾水  
結曲池冰日暖平亭色引滿既杯傾終之以弁側

杜正倫

杜正倫相州洹水人隋世重舉秀才天下不十人而正  
倫與弟正玄正藏俱擢第一門三秀才為當時稱美太  
宗召直秦府文學館貞觀元年以魏徵薦擢兵部員外  
郎累遷中書侍郎兼太子左庶子參典機密顯慶中拜

中書令貶橫州刺史集十卷今存詩二首

冬日宴于庶子宅各賦一字得節

李門余妄進徐榻君恒設清論暢玄言雅琴飛白雪寒  
雲暖落景朔風淒暮節方欣投轄情且駐當歸別

玄武門侍宴

一作侍宴北門

大君端宸暇睿賞狎林泉開軒臨禁籞藉野列芳筵參  
差歌管颺容裔羽旗懸玉池流若醴雲閣聚非烟湛露  
晞堯日薰風入舜弦大德侔玄造微物荷陶甄謬陪瑤

水宴仍廁栢梁篇闕名徒上月鄒辯詎談天既喜光華  
旦還傷遲暮年猶冀升中日簪裾奉肅然

岑文本

岑文本字景仁鄧州人沈敏有姿儀博綜經史美談論  
善屬文貞觀初除祕書郎上籍田三元二頌辭甚工擢  
中書舍人所草詔誥或繇奏即命書僮六七十人隨口並  
寫須臾悉成時中書侍郎顏師古以譴罷太宗曰朕自  
舉一人乃以授文本先與令狐德棻撰周史史論多出

文本及史成封江陵縣子後拜中書令集六十卷今存  
詩四卷

奉和正

一作元

日臨朝

時雍表昌運日正叶靈符德兼三代禮功包四海圖踰  
沙紛在列執玉儼相趨清蹕喧輦道張樂駭天衢拂蜺  
九旗暎儀鳳八音殊佳氣浮仙掌熏風繞帝梧天文光  
七政皇恩被九區方陪瘞玉禮珥筆岱山隅

奉述飛白書勢

六文開玉篆八體曜銀書飛毫列錦繡拂素起龍魚鳳  
舉崩雲絕鸞驚遊霧踈別有臨池草恩霑垂露餘

冬日宴于庶子宅各賦一字得平

金蘭篤惠好尊酒暢生平既欣投轄賞暫緩望鄉情愛  
景含霜晦落照帶風輕於茲歡宴洽寵辱詎相驚

安德山池宴集

楊師道封  
安德公

甲第多清賞芳辰命羽卮書帷通竹徑琴臺枕槿籬池  
疑夜壑徙山似鬱洲移雕楹網蘿薜激瀨合塤簫鳥戲

翻新葉魚躍動清漪自得淹留趣一作寧勞攀桂枝

劉洎

劉洎字思道荊州江陵人初授都督府長史貞觀中拜給事中轉治書侍御史性疎峻敢言累官散騎常侍太宗嘗宴羣臣賜飛白字或乘酒爭取於帝手洎登御座引手得之帝笑曰昔聞婕妤辭輦今見常侍登牀後遷侍中被譖賜死集十卷今存詩一首

安德山池宴集

平陽擅歌舞金谷盛招攜何如蕪徃烈會賞叶幽栖已  
均朝野致還欣物我齊春晚花方落蘭深徑漸迷蒲新  
節尚短荷小蓋猶低無勞拂長袖直待夜烏啼

褚遂良

褚遂良字登善亮之子博涉文史尤工隸書貞觀中起  
居郎召令侍書遷諫議大夫累官黃門侍郎參綜朝政  
諫奏多所採納晉中書令永徽初出為同州刺史徵拜  
吏部尚書進尚書右僕射以諫立武昭儀貶卒集二十



卷今存詩一首

安德山池宴集

伏檻丹霞外，遮園煥景舒。  
行雲泛層阜，蔽月下清渠。  
亭中奏瑟席，上舞燕裾花。  
落春鶯晚風光，夏葉初良朋。  
比蘭蕙雕藻，邁瓊琚獨有狂歌客。  
來承歡宴餘。

楊續

楊續師道之兄，有辭學，貞觀中為鄆州刺史。詩一首。

安德山池宴集

狹斜通鳳闕上路抵青樓簪紱啓賓館軒蓋臨御溝西  
城多妙舞主第出名謳列峰疑宿霧疏壑擬藏舟花蝶  
辭風影蘋藻含春流酒闌高宴畢自反山之幽

劉孝孫

劉孝孫荊州人弱冠知名與虞世南蔡君和孔德紹庾  
抱庾自直劉斌等登臨山水結為文會武德初歷虞州  
錄事參軍補文學館學士貞觀中遷太子洗馬撰古今  
詩苑四十卷集三十卷今存詩七首

遊清都觀尋沈道士得仙字

紛吾因暇豫行樂極留連尋真謁紫府披霧覲青天  
緬懷金闕外遐想玉京前飛軒俯松栢抗殿接雲煙  
滔滔清夏景嘒嘒早秋蟬橫琴對危石酌醴臨寒泉  
聊祛塵俗累寧希龜鶴年無勞生羽翼自可狎神仙

早發成臯望河

清晨發巖邑車馬走輾轅迴瞰黃河上愴怳屢飛魂  
鴻流遵一作導積石驚浪下龍門仙槎不辨處沈璧想猶存

遠近洲渚出颯沓鳬鴈喧懷古空延佇歎逝將何言

遊靈山寺

吾王遊勝地驂駕歷祇園臨風畫角憤耀日采旗翻永  
懷筌了義寂念啟玄門深谿窮地脉高嶂接雲根信美  
諧心賞幽邃

一作桂

且攀援曳裾欣扈從方悟屏塵諠

冬日宴于廢子宅各賦一字得鮮

解襟遊勝地披雲促宴筵清文振筆妙高論寫言泉凍  
柳含風落寒梅照日鮮驪歌雖欲奏歸駕且留連

送劉散員同賦陳思王詩游人久不歸

一作賀朝詩又

作賀朝清

鄉關渺天末引領悵懷歸  
羈旅久滯滯物色屢芳菲  
稍覺私意盡行看蓬鬢衰  
如何千里外佇立霑裳衣

詠笛

涼秋夜笛鳴流風韻

一作詠

九成調高時慷慨曲變或淒

清征客懷離緒鄰人思舊情  
幸以知音顧

一作故

千載有

奇

一作高聲

賦得春鶯送友人

流鶯拂繡羽二月上林期待雪消金禁銜花向玉墀翅

掩飛燕舞啼惱娣好悲料取金閨意因君問所思

一本下四

句倒在上又作賀朝詩分作二首

陸敬

一作凌敬

陸敬仕竇建德為祭酒秦王軍武牢敬說建德自太行

上黨進乘唐之虛以取山北建德不從以及於敗後歸

唐集十四卷今存詩四首

巫山高

巫岫鬱岵堯高高入紫霄白雲抱

一作問

危

一作抱

石玄猿

挂迴

一作迴挂

條懸崖激巨浪脆葉隕驚飈別有陽臺處風

雨共飄飄

遊隋故都

洛城聊顧步長想遂留連水闌宮初毀風變鼎將遷  
陶德不建汾隅祀忽焉宗祊曠無象聲朔緬誰傳  
粉榆何冷落禾黍鬱芊綿悲歌盡商頌太息憫周篇  
來蘇佇

聖德濡足乃乘乾正始淳風被人勞用息肩舞象文思  
澤偃伯武功宣則百昌厥後於萬永斯年茲辰素商節  
灰管變星躔平原悴秋草喬木斂寒烟翻黃墜疎葉凝  
翠積高天參差海曲鴈寂寞柳門蟬興悼今如此悲愁  
復在旃徬徨不忍去杖策屢迴還

遊清都觀尋沈道士得都字

聊排靈瑣闥徐步入清都青谿冥寂士思玄徇道樞十  
芒生藥笥七焰發丹爐縹緲哀桐君錄朱書王母符宮槐



散綠穗日槿落青杼矯翰雷門鶴飛來葉縣鳬凌風自  
可御安事迫中區方追羽化侶從此得玄珠

七夕賦詠成篇

夙駕鳴鸞啓閭闔霓裳遙裔儼天津五明霜紈開羽扇  
百和香車動畫輪婉孌夜分能幾許靚妝冶服為誰新  
片時歡娛自有極已復長望隔年人

沈叔安

沈叔安官刑部尚書武德七年遣使高麗後為潭州都

督圖形凌烟閣集二十卷今存詩一首

七夕賦詠成篇

皎皎宵月麗秋光耿耿天津橫復長停梭且復留殘緯  
拂鏡及早更新妝彩鳳駕初成輦雕鵲填河已作梁  
雖喜得同今夜枕還愁重空明日牀

何仲宣

宣一作誼

何仲宣武德貞觀間人詩一首

七夕賦詠成篇

日日思歸勤理鬢朝朝佇望嬾調梭  
凌風寶扇遙臨月映水仙車遠渡河  
歷歷珠星疑拖珮冉冉雲衣似曳羅  
通宵道意終無盡向曉離愁已復多

趙中虛

趙中虛貞觀中人詩一首

遊清都觀尋沈道士得芳字

青谿阻千仞姑射藐汾陽未若游茲境  
探玄衆妙場鶴來疑羽客雲泛似霓裳  
寓目雖靈宇遊神乃帝鄉道存

真理得心灰俗累忘煙霞凝抗殿松桂肅長廊早蟬清  
暮響崇蘭散晚芳即此翔寥廓非復控榆枋

楊睿

楊睿貞觀時人詩一首

送劉散員賦得陳思王詩明月照高樓

高樓一何綺素月復流明重軒望不極餘暉攬詎盈鏡  
華當牖照鉤影隔簾生逆愁異尊酒對此難為情

御定全唐詩卷三十三

# 欽定四庫全書

集部

御定全唐詩卷三十四至  
七

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高 中

謄錄監生臣徐鳳翔

欽定四庫全書

御定全唐詩卷三十四

楊師道

楊師道字景猷華陰人隋宗室也清警有才思入唐尚  
桂陽公主封安德郡公貞觀中拜侍中參豫朝政遷中  
書令罷為吏部尚書師道善草隸工詩每與有名士燕  
集歌詠自適帝每見其詩必吟諷嗟賞後賜宴帝曰聞  
公每酣賞捉筆賦詩如宿構者試為朕為之師道再拜

少選輒成無所竄定一座嗟伏卒謚曰懿集十卷今編  
詩一卷

隴頭水

隴頭秋月明隴水帶關城笳添離別曲風送斷腸聲映  
雪峰猶暗乘冰馬屢驚霧中寒雁至沙上轉蓬輕天山  
傳羽檄漢地急徵兵陣開都護道劍聚伏波營於茲覺  
無渡一作度方共濯胡纓

中書寓直詠雨簡褚起居上官學士

雲暗蒼龍闕沈沈殊未開窗臨鳳凰沼颯颯雨聲來

洪邁

以此四句為絕句

電影入飛閣風威凌吹臺長簷響奔溜清簾

肅浮埃早荷葉稍沒新篁枝半摧茲晨悵多緒懷友自  
難裁况復重城內日暮獨裴回玉階良史筆金馬挾天  
才高覺通散騎複道駕蓬萊思君贈桃李於此冀瓊瓌

闕題

見玉臺後集

漢家伊洛九重城御路浮橋萬里平桂戶雕梁連綺翼  
虹梁繡柱映丹楹朝光欲動千門曙麗日初照百花明



燕趙蛾眉舊傾國，楚宮腰細本傳名。  
二月桑津期結伴，三春淇水逐關情。  
蘭叢有意飛雙蝶，柳葉無趣啼鶯。  
扇裏細妝將夜並，風前獨舞共花榮。  
兩鬟百萬誰論價，一笑千金判是輕。  
不為披圖來侍寢，非因主第奉身迎。  
羊車詎畏青門閉，兔月今宵照後庭。

初秋夜坐應詔

玉琯涼初應，金壺夜漸闌。  
滄池流稍潔，仙掌露方溥。  
雁聲風處斷，樹影月中寒。  
爽氣長空淨，高吟覺思寬。

賦終南山用風字韻應詔

眷

一作  
睿

言懷隱逸輟駕踐幽叢白雲飛夏雨碧嶺橫

一作

冠春虹草綠長楊路花疎五柞宮登臨日將晚蘭桂起  
香風

詠飲馬應詔

清晨控龍馬弄影出花林躡蹠依春澗聯翩度碧潯苔  
流染絲絡水潔寫雕簪

一作  
調音

一御瑤池駕詎憶長城陰

初宵看婚

洛城花燭動戚里畫新蛾隱扇羞應慣含情愁已多輕  
啼濕紅粉微睇轉橫波更笑巫山曲空傳暮雨過

侍宴賦得起坐彈鳴琴二首

一作楊希道詩

北林鵲夜飛南軒月初進調弦發清徵蕩心祛褊悵變  
作離鴻聲還入思歸引長歎未終極秋風飄素鬢

絲傳園客意曲奏楚妃情罕有知音者空勞流水聲

詠琴

一作楊希道詩

久擅龍門質孤竦嶧陽名齊娥初發弄趙女正調聲嘉

客勿遽反繁弦曲未成

詠笙

一作揚希道詩

短長插鳳翼洪細摹鸞音能令楚妃歎復使荆王吟切切孤竹管來應雲和琴

應詔詠巢鳥

桂樹春暉滿巢鳥刷羽儀朝飛麗城上夜宿碧林陞背風藏密葉向日逐疎枝仰德還能哺依仁遂可窺驚鳴雕輦側王吉自相知

奉和夏日晚景應詔

輦路夾垂楊，離宮通建章。  
日落橫峰影，雲歸起夕涼。  
雕軒動流吹，羽蓋息迴塘。  
薙草生還綠，殘花落一作疎尚香。

青巖類姑射，碧澗似汾陽。  
幸屬無為日，歡娛尚一作方未央。

奉和聖製春日望海

春山臨渤海，征旅輟晨裝。  
回瞰盧龍塞，斜瞻肅慎鄉。  
洪波迴地軸，孤嶼映雲光。  
落日驚濤上，浮天駭浪長。  
仙臺

隱螭駕水府汎鼉梁碣石朝烟滅之罘歸雁翔北巡非

漢后東幸異秦皇塞旗

一作旌

羽林客跋距少年場龍

一作

電擊驅遼水鵬飛出帶方將舉青丘繳安訪白霓裳

### 春朝閒步

休

一作偃

沐乘閑豫清晨步北林池塘藉芳草蘭芷襲幽

衿霧中分曉日花裏弄春禽野逕香恒滿山階筍屢侵

何須命輕蓋桃李自成陰

### 還山宅

暮春還舊嶺徙倚翫年華芳草無行逕空山正落花垂  
藤掃幽石卧柳礙浮槎鳥散茅簷靜雲披澗戶斜依然  
此泉路猶是昔煙霞

詠馬

寶馬權奇出未央雕鞍照曜紫金裝春草初生馳上苑  
秋風欲動戲一作醉長楊鳴珂屢度章臺側細蹠經一作徑

向濯龍傍徒令漢將連年去宛城今已獻一作識名一作明

王

奉和詠弓

霜重麟膠勁風高月影圓  
鳥飛隨帝輦雁落逐鳴弦

詠硯

圓池類璧水輕翰染煙華  
將軍欲定遠見棄不應賒

奉和正日臨朝應詔

皇猷被寰宇端宸屬元辰  
九重麗天邑千門臨上春

詠舞

一作楊希道詩

二八如回雪三春類早花  
分行向燭轉一種逐風斜



御定全唐詩卷三十四

欽定四庫全書

御定全唐詩卷三十五

許敬宗

許敬宗字延族杭州新城人善心子也隋時官直謁者  
臺奏通事舍人事入唐為著作郎兼修國史尋貶洪州  
司馬累轉給事中復修史遷太子右庶子高宗即位擢  
禮部尚書歷侍中中書令右相卒謚曰繆集八十卷今  
編詩二十七首

奉和執契靜三邊應詔

玄塞隔陰戎，朱光分昧谷。  
地遊窮北際，雲崖盡西陸。  
星次絕軒臺，風衢乖禹服。  
寰區無所外，天覆今咸育。  
竄苗猶有孽，戮負自貽辜。  
疎網妖鮪漏，盤藪怪禽逋。  
髯飛尚假息，乳視暫稽誅。  
乾靈振玉弩，神畧運璇樞。  
日羽廓遊氣，天陣清華野。  
升暄光西夜，馳恩溢東瀉。  
揮袂靜崑炎，開關納流赭。  
錦輶凌右地，華纓羈大夏。  
清臺映羅葉，玄止控瑤池。  
駝一作鹿輸珍貺，樹羽饗來儀。  
輟餽觀化宇。

一作雨

栖籩萃條支熏風交閭闕就日泛濛濛充庭延飲  
至絢簡敷春藻迎姜已創圖命力方論道昔託遊河乘  
再備商山皓欣逢德化流思效登封草

奉和行經破薛舉戰地應制

混元分大象長策挫修鯨於斯建宸極由此創鴻名一  
戎乾宇泰千祀德流一作化清垂衣凝庶績端拱鑄羣生

復整瑤池駕還臨官渡營周游尋曩跡曠望動天情惟  
宮面丹浦帳殿矚宛城虜場棲九穗前歌被六英戰地

甘泉涌陣處景雲生普天霑凱澤相攜欣頌平

奉和入潼關

曦馭循黃道星陳引翠旗濟潼紆萬乘臨河耀六師前  
旌彌陸海後騎發通伊勢踰迴地軸威盛轉天機是節  
歲窮紀關樹蕩涼颼仙露含靈掌瑞鼎照川渚冲襟賞  
臨晚高詠入京畿

奉和春日望海

韓夷慙奉賁憑險亂天常乃神弘廟畧橫海剪吞航電

雷一作

野清玄菟騰笳振白狼連雲飛巨艦編石架浮梁  
周游臨大壑降望極遐荒桃門通山杳蓬渚降霓裳驚  
濤含蜃闕駭浪掩晨光青丘絢春組丹谷耀華桑長驅  
七萃卒成功百戰場俄且旋戎路飲至肅巖廊

奉和元日應制

天正開初節日觀上重輪百靈滋景祚萬玉一作土慶惟

新待旦敷玄造韜旒御紫宸武帳臨光宅文衛象鉤陳  
廣庭揚九奏大帛麗三辰發生同化育播物體陶鈞霜

空澄曉氣霞景瑩

一作榮

芳春德輝覃率土相賀奉還淳

奉和初春登樓即目應詔

旭日臨重壁天眷極中京春暉發芳甸佳氣滿層城去

鳥隨看沒來雲逐望生歌裏非

一作霏

煙颺琴上凱風清

文波浮鏤檻摘景煥雕楹璇璣體寬政隆棟象端衡創

一作文

規雖有作凝拱遂無營沐恩空改鬢將何謝夏

一作

履成

奉和秋日

一作月

即目應制

玉露交珠網金風度綺錢昆明秋景淡岐岫落霞然辭  
燕歸寒海來鴻出遠天葉動羅帷颺花映繡裳鮮規空  
升閣魄籠野散輕烟鵲度林光起鳬沒水文圓無機絡  
秋緯如管奏寒蟬乃睠情何極宸襟豫有旃

奉和秋暮言志應制

秋深桂初發寒窗菊餘菲波擁羣鳬至秋飄朔雁歸月  
莫生還落雲枝似復非凝宸閱栖畝觀文佇少微聖敬  
韜前哲先天諒不違



奉和喜雪應制

嶸州表竒貺

一作觀

閔竹應遐巡何如御京洛流霞下天

津忽若瓊林曙俄同李徑春姑峰映仙質郢路雜歌塵

伏檻觀花瑞稱觴慶冬積飄河共瀉銀委樹還重壁連

山分掩翠綿霄遠韜碧千里徧浮空五輶咸淪跡機前

輝裂素池上伴

一作伴

凌波騰華承玉宇凝照混金娥是

日松筠性欣奉

一作奏

柏梁歌

奉和登陝州城樓應制

挹河澍綠宇御溝映朱宮辰旂翻麗景星蓋

一作

曳雕

虹學嘖齊柳嫩妍笑發春蕤錦鱗文碧浪繡羽絢青空  
眷念三階靜遙想二南風

遊清都觀尋沈道士得清字

幽人蹈箕穎方士訪蓬瀛豈若逢真氣齊契體無名既  
詮衆妙理聊暢遠遊情縱心馳貝闕怡神想玉京或命  
餘杭酒時聽洛濱笙風衢通閭苑星使下層城蕙帳晨  
飈動芝房夕露清方叶棲遲趣於此聽鐘聲

奉和七夕宴懸圃應制二首

牛閨臨淺漢鸞馬涉秋河  
兩懷縈別緒一宿慶停梭  
星模鉛裏靨月寫黛中蛾  
奈許今宵度長嬰離恨多  
婺閨期今夕娥輪泛淺潢  
迎秋伴暮雨待暝合神光  
薦寢低雲鬢呈態解霓裳  
喜中愁漏促別後怨天長

奉和儀鸞殿早秋應制

睿想追嘉豫臨軒御早秋  
斜暉麗粉壁清吹肅朱樓  
高殿凝陰滿雕窗豔曲流  
小臣參廣宴大造諒難酬

奉和詠雨應詔

舞商初赴節，湘燕遠迎秋。  
飄絲交殿網，亂滴起池漚。  
激溜分龍闕，斜飛灑鳳樓。  
崇朝方決寓，宸盼俯凝旒。

奉和過慈恩寺應制

鳳闕隣金地，龍旂拂寶臺。  
雲楣將葉並，風牖送花來。  
月宮清晚桂，虹梁絢早梅。  
梵境留宸矚，披發麗天才。

冬日宴于庶子宅各賦一字得歸

倦游嗟落拓，短翮慕追飛。  
周醪忽同醉，牙弦乃共揮。  
油

雲澹寒色落景靄霜霏累日方投分茲夕諒無歸

送劉散員同賦得陳思王詩山樹鬱蒼蒼

喬木託危岫積翠繞連岡葉疎猶漏影花少未流芳  
風來聞肅肅霧罷見蒼蒼此中餞行邁不異上河梁

侍宴莎冊宮應制得情字

三星希曙景萬騎翊天行  
徐羽翻風隊騰吹掩山楹  
暖日晨光淺飛煙旦彩輕  
塞寒桃變色冰斷箭流聲  
漸奏長安道神臯動睿情

奉和過舊宅應制

飛雲臨紫極出震表青光自爾家寰海今茲返帝鄉情  
深感代國樂甚譙譙方白水浮佳氣黃星聚太常岐鳳  
鳴層閣艷雀賀雕梁桂山猶總翠蘅薄尚流芳攀鱗有  
遺皓沐德抃稱觴

奉和宴中山應制

飛雲旋碧海解網宥青丘養賢

一作更

停八駿觀風駐五

牛張樂臨堯野揚麾歷舜州中山獻仙酤趙媛發清謳

塞門朱鴈入郊藪紫麟遊一舉氛霓靜千齡德化流

奉和聖製登三臺言志應制

中天表雲榭載極聳崑樓聖作規玄造軒阿復聿修高  
門符令節形勝總神州企翼搏禽萃飛甍燕雀遊綴星  
羅百拱緣漢轉三休旦雲生玉舄初月上銀鈎妙管含  
秦鳳仙姿麗斗牛形言防處逸粹藻發嘉猷荷生無以  
謝盡瘁竟何酬

安德山池宴集

戚里歡娛地園林矚望新  
山庭帶芳杜歌吹叶陽春  
臺榭疑巫峽荷葉似洛濱  
風花縈少女虹梁聚美人  
宴遊窮至樂談笑畢良辰  
獨歎高陽晚歸路不知津

奉和聖製送來濟應制

萬乘騰鑣警岐路百壺供帳餞離宮  
御溝分水聲難絕  
廣宴當歌曲易終興言共傷千里道  
俯跡聊示五情同  
良哉既深留帝念沃化方有贊天聰

七夕賦詠成篇



一年抱怨嗟長別七夕含態始言歸飄飄羅襪光天步  
灼灼新妝鑒月輝情催巧笑開星靨不惜呈露解雲衣  
所歎却隨更漏盡掩泣還弄昨宵機

擬江令於長安歸揚州九日賦

本逐征鴻

一作蓬

去還隨落葉來菊花應未滿請

一作許

待

詩人開

同前擬

遊人倦蓬轉鄉思逐雁來偏想臨潭菊芳藥對誰開

李義府

李義府瀛州饒陽人對策擢第補門下省典儀尋除監察御史太子舍人與司議郎來濟俱以文翰見知時稱來李嘗獻承華箴預撰晉書高宗嗣位遷中書舍人以贊立武昭儀擢中書侍郎晉中書令怙寵稔惡長流嶺州存詩八首

和邊城秋氣早

金微凝素節玉律應清葭邊馬秋聲急征鴻曉陣斜關

樹凋涼葉塞草落寒花霧暗長川景雲昏大漠沙谿深  
路難越川平望超忽極望斷煙飄遙落驚蓬沒霜結龍  
城吹水照龜林月日色夏猶冷霜華春未歇睿作高紫  
宸分明映玄闕

招諭有懷贈同行人

一作李  
人詩

遠遊冒艱阻深入勞存諭春去辭國門秋還在邊戍軒  
車行未返節序催難駐陌上悲轉蓬園中想芳樹蜀山  
自紛糾岷水恒奔注臨汎多苦懷登攀寡歡趣永夕飛

淫雨崇朝蒸毒霧不求綏嶺桃寧美邛鄉蒟白狼行欲

靜驄馬何常驅

唐韻區遇切或改為駐誤

願接軺旆塵聯翩東北驚

### 宣正殿芝草

明王敦孝感寶殿秀靈芝色帶朝陽淨光涵雨露滋且  
標宣德重更引國恩施聖祚今無限微臣樂未移

### 詠鸚鵡

牽弋辭重海觸網去層巒戢翼雕籠際延思彩霞端慕  
侶朝聲切離羣夜影寒能言殊可貴相助憶長安

在嵩州遙叙封禪

天齊標巨鎮日觀啟崇期  
崑堯臨渤澥隱嶙控河沂

一作

涓眇迴分吳乘凌高屬漢祠

紀事無眇迴二句

建岳誠為長升

功諒在茲帝猷符廣運  
玄範暢文思飛聲總地絡

一作

裁一作載化撫乾維瑞策開  
珍鳳禎圖薦寶龜創封起  
昔夏

修禪掩前姬

紀事無創封二句

東后方肆覲西都導六師

肅一作

返駕移星苑揚罕馭風司  
沸鼓喧平陸凝蹕靜通達  
汶

陽馳月羽蒙陰警

一作驚

電麾

一作輜

巖花飄曙輦峰葉蕩

春旗石閣環藻衛金壇映黼帷仙階溢秘柜靈檢耀祥  
芝張樂分韶獲觀禮縱華夷佳氣浮丹谷榮光泛綠坻

紀事無張樂  
以下四句

三始貽遐貺萬歲受重釐

非一作

質陶恩

獎趨迹奉軒墀觸網淪幽裔乘徽限明時周南昔已歎  
邛西今復悲

堂堂詞

萬首絕句題  
作題美人

鏤月成

一作為

歌扇裁雲作舞衣自憐迴雪影好取洛川

歸

嬾整鴛鴦被羞褰玳瑁牀春風別有意密處也尋香

詠烏

日裏颺朝彩琴中伴夜啼上林如許一作多少樹不借一枝

栖紀事云義府初遇以李大亮劉洎之薦太宗  
召令詠烏云云帝曰與卿全樹何止一枝

御定全唐詩卷三十五